



METHODIST CHURCH IN SAMOA

EKALESIA METOTISI I SAMOA

Central Office – 2nd Floor -Fetu Ao Bldg, Matafele

Beach Road - Apia, Samoa.

P.O. Box 1867, Apia, Samoa.

Telephone – (685) 22 283, 20 810, 26 944

Fax – (685) 22 203; Email – metotisi1@samoa.ws

President:

Rev. Faulalo Leti Paaga

Fax – (685) 22203

Email – letipaaga@samoa.ws

Telephone:

Office: ISD (685) 22 283

Home: (685) 21 521

General Secretary:

Rev. Dr. Eteuati Sili Leuo Tuioti

Email: generalsec@samoa.ws

Telephone:

Office: ISD (685) 21 985

Home: (685) 22 106

Treasurer:

Rev. Ellice Soliola

Email: e.soliola@gmail.com

Telephone:

Office – ISD (685) 21 985

10 Mati 2021

FAASILASILAGA MO LE EKALESIA AOA

MATAUPU: SUEGA ULUFALE MO LE KOLISI FAA FAIFEAU I PIULA

2021

Afioga i Alii Sea,

Ta'ita'i o Sinoti,

Paia i Faifeau ma Faletua

Tapuaiga mau i Matua Malolo Manumalo

Le paia ma le mamalu i le Ekalesia ma lana Koneferenisi.

Ou te faatalofa atu i le suafa o Iesu Keriso lo tatou Alii ma le Faaola. Faamalo le tatalo, faafetai le malaga manuia, e ui ina le mamao ma tatou lu'i tau o pagatia ai le lalolagi, ma suia uma ai aga ma tu masani o le soifuaga, ae faafetai i le Atua, o loo mau pea le faatuatua ma le faamoemoe ola o le Ekalesia .

Ua ou tusi atu e faailoa ni fuafuaga taua; o ni suiga e mafai ona faataunuu lelei ai le faamoemoe o le Kolisi i Piula mo le Suega Ulufale mo lenei tausaga 2021. Talu ai o faafitauli e afua mai le faama'i Koviti 19, aemaise lava mo fanau fia taumafai mai i Sinoti i fafo atu o Samoa ona o ala o femalagaina ma tulafono faatatau i le faama'i. O lea, ua faia ai fetuunaiga fou e tali ai le mana'o lea o le Ekalesia mo Piula.

1. Ua suia le aso o le suega: Aso Tofi, 13 o Me 2021.
2. E faia lava suega a Sinoti i fafo, i nofoaga e fuafuaina e Sea ma Ta'ita'i o Sinoti.
3. Silasila Ta'ita'i o Sinoti e fa'amautinoa tapenaga masani mo i latou e sauni e su'e.
4. O le a faailoa/lafo atu forms e faatumu mo ia tapenaga.
5. A mae'a le suega, ona faia lea o le filifiliga a le Pule ma Faiaoga ma faailoa atu i'uga.
6. E faatautaia e Ta'ita'i o Sinoti i fafo, le faatalanoaina (interview) o sui ua manuia suega, ia faamautinoa ai avanoa talafeagai e vave tapena mai ai A'oa'o fou, ina ia faamalieina tulafono (koviti 19) fa'a va o Malo, ma avanoa o vaalele.
7. O a'oa'o uma na faateaina ma ua faamalieina aiaiga faatulagaina mo le toe fia ulufale, e faailoa ripoti mai le Faifeau ma faatalanoaina e Komiti o le Interview.
8. O fuafuaga mulimuli, o le a galulue faatasi i ai, le Kolisi, Ofisa Failautusi Ekalesia, le Malo o Samoa (Matagaluega Soifua Maloloina ma le Matagaluega Va i Fafo) ma kamupani va'alele.

9. Ua fautuaina foi Ta'ita'i ma le Aufaigaluega i Sinoti i fafo, ia faailoa ma faamamafaina le alafua ua ioeina e le Faavae ma ua faatinoina; mo Failauga Faamaoni e fia taumafai mo le tofi faifeau, o lo'o avanoa pea. Aemaise lava Sinoti a Amerika ma Hawaii.
10. Mo nisi fesili, e avanoa pea le Ofisa Failautusi o le Ekalesia ma le Pule o le Kolisi mo nisi faamaninoga o lenei fuafuaga.
11. O lenei tapenaga, ua faapitoa lava mo suega o lenei tausaga, 2021.


Talasia lenei faamoemoe paia o le Ekalesia, ia utagia ma faamamaluina, faatasi ma la tatou tatalo i le Agaga faama'ite mea lelei a lo tatou Atua, e tatala ai faitoto'a mo manuia mo le tatou Kolisi Faa Faifeau ma le Ekalesia faatuatua.

O le molimau a Mataio 28:2-7; Faauta fo'i, ua to le mafui'e tele; auā na alu ifo le agelu a le Alii mai le lagi, ua alu atu, ma fuli ese le ma'a i le gutu o le tuugamau, ma tietie i ona luga.... Ona fai atu ai lea o le agelu i fafine, ua faapea atu, Aua lua te matata'u oulua; auā ua ou iloa ua oulua sailia mai Iesu na faasatauroina. E lē o iinei o ia; a ua toe tu mai o ia, e pei ona fetalai atu ai o ia. O mai ina matamata i le mea na tuu ai le Alii. Ina o atu ia ia vave, lua te ta'u atu i ona so'o, ua toe tu mai o ia nai e ua oti; faauta fo'i e muamua atu ia ia te outou i Kalilaia; tou te iloa ai o ia i lea mea; faauta, ua ou fai atu ia te oulua."

Fai ia lenei feau ma molimau i le faamoemoe ola a le Atua mo lana Ekalesia ma le lalolagi uma. O le feau o le manumalo ma vavega na faia ma saunia pea i aso uma, aemaise itu aso faigata, mo lana Ekalesia faatuatua.

O le faamanatu a Sione Uesile; "O le mea sili, ua ia te i tatou le Atua."

Ia manuia le Ekalesia.



Rev. Dr. Eteuati Sili Leuo Tuioti
Failautusi Aoa